



МЕСЯЦА ОКТЯБРЯ В 17-Й ДЕНЬ

Святаго пророка Осии и преподобномученика Андрѣя Критскаго

На Господи, воззвах: стихиры, глас 1.

Подобен: Всехвальнии мученицы:

Дух Святы́й, от Отца исходя́щий, / твоим язы́ком определи́ / Христо́во, хотя́щее в последняя́ лѣта пришествіе бѣ́ти на обновленіе твѣ́ри. / И ныне, сбытіе́ видя́ще прорече́нных, / твою, пророче, память почитае́м.

Волею блудя́щее прѣ́жде от Тебе, Человеколю́бче, / естество наше обручи́в, / оскверне́нія избавил еси́ сие, / Тебе Самому́ соедине́нием / совокупи́в паче ума неразлучно. / И сего́ образ проро́к Твой быв, / прѣ́жде блудни́цы целомудренно ввожда́ше.

Пророче́ Богоглаго́ливе, / твоя глаго́лания ныне видя́, / исполнены́ благодатию, / и, предсто́я́ Богу́ всех, о́ всех моли́ся, / соверша́ющих верою́ память твою́, / сим испро́ша́я грехов прощени́е / и мир и велию́ милость.

Ины́ стихиры преподобнаго, глас 4.

Подобен: Я́ко до́бля:

Прилепи́вся от юности́ Господу, блаженне, / даже до конца́ течени́е совершил еси́; / крестом бо воору́жився, / рѣ́це на ра́ло возложил еси́ заповедей Господних, / яко́же есть пи́сано. / Его́же моли́ от тли и бед изба́виться / верою́ творя́щим всечестну́ю память твою́.

Камень инѣ́й прече́стен был еси́ верою́, / не приѣ́мь круше́ния; / ибо́ биѣ́мь и на земли́

валяся, / веры, славне, углáдил еси путь, / благонастúпен положív, / и возразíл еси мнénия, отче, Константинову злую славу, / якоже гнилое основáние.

Апостолов догмáты воспитáн, блаженне, / и отцев Божественных учéньми, / Воплощшагося почествовáл еси Бога зрímое / в знáмениих священных и честнých изображéниих; / темже, славне, за сiя пострадав, / благочестия показался еси учитель / и мучеников удобрénие.

Слава, и ныне, Богородичен, подобен тойже:

Яже Бога Невместíмага / во чреве Твоем вместívшая, / человеколюбно Человека бывша / и наше смешénие из Тебе приímша и обожívшая, / не прézри мене, Всечистая, ныне скорбiаща, / но ущédри скоро / и различныя вражды же и вреда лукаваго свободi.

Крестобогородичен, подобен тойже:

Агнца и Пастыря Тя на Древе яко вiде, / Агница рождшая рыдáше и мáтерски Ти вещáше: / Сыне Возжелénне, / како на Древе Крестнем повéшен еси, Долготерпеливе? / како рúце и нозе Твои, Слове, пригвоздiшася от беззаконных, / и Кровь Твою излиýл еси, Владыко?

Тропарь, глас 4:

Пóстнически предподвизáвся на горé, / úмная врагов ополчения всеорúжием Креста погубíл еси, всеблаженне. / Паки же ко страдальчеству / мужески облéклся еси, / убив Копронiма мечém веры; / и обоiх рáди венчáлся еси от Бога, / преподобномучениче Андрее, приснопамятне.

Слава, и ныне, Богородичен или Крестобогородичен.

НА УТРЕНИ

Един канон Октоиха и святых два.

Пророка канон, глас 1, егоже краегранесие: **Осiева пою Богодухновенная словеса. Феофаново.**

Песнь 1

Ирмос: Помóгшему Богу во Егiпте Моисéови / и тем фараона со всебóинством погрузívшему, / победную песнь поим, яко прославися.

Яко Богоглагольник воистинну, яко пророк, Осiе, / Жизнодáтелю предстоi, прилежно

молися / избавити искушений верно восхваляющия ты.

Твоя душй видительное очисти́в от скверн, / сподобился еси прозира́ти светло будущая / и предглаголати неложно, славне, сбывающаяся.

Прозрения источник мудрость Божия / Боговещаннаго Осию пророчества пока́з рекы́ неоску́дну, / кипящу Божественная учения.

Богородичен:

Явльшагося Христа от Девы нас ра́ди / от Египта явлено́ Отец призва́, / якоже прорече́ Осия древле Боговидительнейший.

Ин канон преподобнаго, глас 2, егоже краегранесие: Мужества пою тезоименитаго любовию. **Иосиф.**

Песнь 1

Ирмос: Во глубинё постла́ иногда / фараонитское всевоинство Преоружённая Сила, / Воплощёеся же Слово всезлбный грех потреби́ло есть, / препрославленный Господь, славно бо просла́вися.

Мужески стра́сти плотскія, отче, порабо́тив, / помыслом мужества яко тезоименит, / мучителей суровство́ поратовал еси / и законно пострадал еси. / Тем ты согласно, верою соше́дшеся, ублажаем.

Мысленно, яко уголь, разже́гся теплото́ю Божественнаго Духа, / лед страсте́й раста́ил еси, / потоки же кровными огонь погасил еси злочестия чуждий, / величайше Андрее, исповедниче Богоблаженне.

Связа́вся любовию Христа, отче, / от юности крест твой воспри́им, радуясь, / Тому последовал еси, / отрёкся себе са́маго постничеством, и исповеданием, / и совершеннейшим страда́нием.

Богородичен:

Уныния сном ду́шу всегда отягчевая́, / к Твоему, Дево Мати Пречистая, притекаю́ заступлению; / к бо́дрости покаяния воздвигни, / вечноущаго тогда избавляющи мя мучения.

Песнь 3

Ирмос: Утверди мене, Христе, на недви́жимом камени заповедей Твоих / и просвети мя светом лица Твоего; / несть бо свят, паче Тебе, Человеколюбче.

Учением Боголепным научён Божия
изъявлѣния, / язЫков звание яве провозгласил
еси, пророче, / Духом Святым воображаемъ.

Будущая предзрѣти яко настоящая, Богомудре,
сподобился еси, / иудейское ясно отпадѣние
возвещая / и законных потреблѣние.

Избавитися Израилю не бранію, ни лѹком, ни
всеорѹжием, / но в Господе Бозе Вседержители
прорѣкл еси, / воплощение Слова знаменуя нам.

Богородичен:

Радуйся, Дево Честная, зачѣншая Слово
Воплощенное, / Своею ны избавльшаго от лѣсти
Кровию святою и Телом.

Ин

Ирмос: На камени мя веры утвердив, / разширил еси
уста моя на враги моя, / возвесели бо ся дух мой вегда
пѣти: / несть свят, якоже Бог наш, / и несть праведен,
паче Тебе, Господи.

Утвердив разума твоего стопы, отче, / на камене
любве Христовы, / отнюд дохновѣнии не поколебался
еси противными, / вопия Творцу твоему: / Ты еси Бог наш,
/ и несть праведен, паче Тебе, Господи.

Исцеления и прѣжде конца и по конце
источая, / помоществѹеши сущим в немощех и
духи нечистыя отгониши, Андрее преподобне, /
вопия Создателю твоему: / Ты еси Бог наш, / и
несть праведен, паче Тебе, Господи.

Постничества слезами омовѣн, / кровию мученической
удобрился еси, / и весь краснейш показався,
востѣкл еси к желаемому, вопия: / Ты еси Бог наш,
/ и несть праведен, паче Тебе, Господи.

Богородичен:

Плѹти подобием бывшаго, / Отцу Единосущна
Бога Слова родила еси, Всенепорочная, / паче
естества Дева пребывши и по рождестве. / Сего
ради верою Тя ублажаем.

Кондак пророку, глас 2:

Правыми стезями послѣдуя заповедем Господа
Твоего, пророче Осіе, / исполнился Духа
Святаго / и, приѣм дар пророчества, / провозгласил
еси Израилю Христово, хотящее в последняя
лѣта быти, пришествіе, / обличая заблудшия

люди от пути праваго / и наставляя на путь,
ведущий в Вышний Иерусалим, / идеже ныне
предстоя, / молися непрестанно о всех нас.

Ин кондак пророку, глас 4:

Просветившееся Духом чистое твое сердце /
пророчества бысть светлейшаго приятелище: /
зриши бо, яко настоящая, далече сущая, / сего
ради тя почитаем, пророче блаженне, Осие
славне.

Кондак преподобному, глас 3:

Подобен: Дева днесь:

Празднует днесь Царствующий град /
праздник пресветлый светоносныя Твоя
памяти, / всякий призывая град и страну; / раду-
ется бо, яко имея сокровище велие, / многостра-
дальное твое тело, / Андрее мучениче, Правосла-
вия светильниче.

Таже седален, глас 8.

Подобен: Премудрости:

Чисто сердце от страстей, пророче, стяжав, /
яко истинно орган был еси сличный * Духа, / от
Него богато, мудре, просвещаемь, / и будущих
всех знание приим. / Тем, сошедшеся, святую
твою память верно совершаем, Спаса славяще, /
Осие приснопамятне: / моли Христа Бога грехов
оставление подати / чтущим любовь святую
память твою.

Слава, преподобнаго, глас 4.

Подобен: Вознесыйся:

В посте дивнаго и страдания восхвалим вер-
нии по долгу, / яко благочестия проповедника и
поборника крепкаго; / сей бо без страха гное-
именному противляясь, / чествоваться проповеда
Христову образу, / яко постников всех
удобрение / и мучеников мужества подобие.

И ныне, Богородичен:

Иже на Престоле Херувимстем Седяй / и в
недрех Отчих водворяясь, / яко на Престоле
святем седит Своем, Владычице, в недрах
Твоих; / воплощся бо Бог воистинну, воцарися
над всеми языки, / и разумно ныне поим Ему; /
Егоже умоли спастися рабом Твоим.

* сличный — достойный.

Крестобогородичен:

Из Безначальнаго Отца рождённаго, / напоследок Тя плóтию Рождшая, / на Кресте вѣсяща, зрящи, Христе, увы Мне, любезнейший Иисусе, вопияше: / како славимый яко Бог от Ангел, / от незаконных ныне человек, Сыне, хотя распина́ешься? / Пою Тя, Долготерпеливе.

Песнь 4

Ирмос: Разумѣх, Всесильне, / Твое смотрѣние, / и со страхом прославих Тя, Спасе.

Осѣе, Боговѣднейшее око церковное, / бед избави хвѣлящая тя.

Светлѣйшее и твердѣйшее Духа приятелище, / молися спасти воспевающая тя.

Судий ты всех предстоя, яко Божествен пророк, / страстѣй мя избави молитвами твоими.

Богородичен:

Превозшла еси, Приснодево, Ангельския чины, / Творца сих чревоносѣвши.

Ин

Ирмос: Пришел еси от Девы не ходатай, ни Ангел, / но Сам, Господи, воплощся, / и спасл еси всего мя человека. / Тем зову Ти: слава силе Твоей, Господи.

Послушлив быв Христовых заповедей, / Того подобю, отче, / чѣстно поклонялся еси. / Тем пребеззаконный ты многообразными ранами умертви.

Миродохновен добродетелей благово́нием быв, / во гробе лежа благово́нствиши лица призывающих тя / несомненным сердцем, отче преподобне.

Недуговавша Мамона всезлѣйшаго, преподобне, / окайнно ересию, со дерзновением обличил еси, / поборник быв православных, Андрее досточудне.

Богородичен:

Яко Благоплодная возрастѣла еси / благодатный Клас, / питающий вся, православно почитающая Тя, / Владычице Всепетая, / и из Тебе воплощагося Слова, Всечистая.

Песнь 5

Ирмос: От нощи утренююще, воспеваем Тя, Христе Боже, / обнищавшаго нас ради / и Крест и смерть плóтию претерпѣвшаго.

Милостивно двѣжимъ,/ научил еси нас Божию долготерпению,/ благоутробию же и благодати, еюже вся щадѣт,/ пророче Богоглаголивѣ.

Умертвѣвъ смерть, воста Христос,/ якоже мудрое твое проречѣние, Богогласе, провозвести,/ и жизнь сущим во аде душам дарова.

От глубины мя греховныя, пророче Осѣе,/ твоими молитвами исхити,/ дерзновение беззачѣнное* ко Христу имея,/ Богомудре пребогате.

Богородичен:

Всех Господь и всех Царь,/ Отцу Собезначальный,/ под лѣтом из Тебе бысть, Богородице Дево,/ и плоть показася.

Ин

Ирмос: Просвещение во тьме лежачих,/ спасение отчаянных, Христе Спасе мой,/ к Тебе утренюю, Царю мира,/ просвети мя сиянием Твоим,/ иногдо бо, разве Тебе, Бога не знаю.

Омрачѣние возненавидѣвъ, отче, греха,/ весь блистаніем безстрастия свет явился еси,/ и просвещаеши верныя,/ приходящия Божественному твоему гробу,/ целѣний зарями, Божиею благодатию.

Весь Божие прѣтелище явился еси,/ дѣбре пожив и доблемудренно пострадавъ, отче;/ и ныне, во гробѣ лежачи, пребываеши цел, блаженне, и неразрушимъ,/ всех верных разрешая страсти.

Юношески дѣблествовав, всеблаженне,/ на демоны и на человеки еретичествующія,/ вѣчнующаго сподобился еси благославія/ и венцевъ, Андрее преподобне;/ тем вернии тя присно ублажаем.

Богородичен:

Носиши Христа на объятіях, неизреченно родивши,/ объѣмлющаго злобѣ преклоншиися/ и лукавому окаянно порабощенныя,/ Отроковице Всенепорочная;/ тем Тя вернии присно ублажаем.

Песнь 6

Ирмос: Пророка спасл еси от кѣта, Человеколюбче,/ и мене из глубины прегрешений/ возведи, молюся.

* беззачѣнное — непостыдное.

Провозглашáя будущая, **Ос**ие всеблаженне, / еже к человеку Слова возвестил еси сошествие.

Умерщвлénныя грехами **Ж**изнь **Б**езсмертная / от адových предéл, якоже прорекл еси, возведе.

Законных отгáятие, иудеев отпадéние / и язýков введéние, пророче, явил еси.

Богородичен:

Из чрева Твоего возсия Бог Слово, Всенепорочная, / плотию нас ради неизреченно обложся яко Благоутробен.

Ин

Ирмос: **В** бédне греховней валяясь, / неизслédную милосердия Твоего призываю бédну: / от тли, Боже, мя возведи.

В темницу тя незаконный ввэрже, / Владыкою, Андрее, сохраняема / и Того соблюдающа непременно Божественное хотéние.

Растерзáемо тело небрэгл еси / и раздробляемо ранами, блаженне; / но якоже инóму страждущу терпел еси, / Божественно укрепляемь.

Яко многоценное богатство крýемое, отче, являеши, / предлежа лицéм благочестивых, / и чудеса вся обогащаеши, почитающия тя.

Богородичен:

Разумный Ты свéцник прозряще дрéвле пророк, / Божественную Свещу, Христа, Чистая, носящу, / Имже вси мы просветихомся.

Кондак, глас 8.

Подобен: Взбранной:

Мужества тезоименитому благодарение, / яко благочестия тайноглагольнику, / похвальная воззовем от любве тебе, Богоблаженне, / но, яко имея дерзновение ко Господу, / от всяких лютых ны спаси, да поем: / радуйся, отче приснопамятне.

Икос:

Ангел истины от Крýта явился еси, обличив злочестия, отче, / и с Богословным гласом, ранима тя зря, всемудре, / ужасаюся страсти, зовя и вопия ти сицевая: / радуйся, Божий крепкий оружниче; / радуйся, Господень верный угодниче; / радуйся, хульных врагов сопротивоборниче; / радуйся, злоглаголивых человек обуздание; / радуйся, яко пострадал еси за образ

Христов; / радуйся, яко восхласти́л еси сла́сти плотскія; / радуйся, яко пощёнием начала тьмы победил еси; / радуйся, яко страданием Копрони́му сопротивился еси; / радуйся, источниче чудес приснотеку́щий; / радуйся, землю уясни́вый страданьями твоими; / радуйся, верных жилище, отче; / радуйся, наш предстателю и избáвителю; / радуйся, отче приснопамятне.

Песнь 7

Ирмос: Авра́мстии о́троцы в пеци / Троицу прообразивше, / о́гненный пла́мень на рóсу преложи́ша / и, поюще, вопи́яху: / благословен еси, Боже отец наших.

Паче естества просвещением, Осие, / ум просвети́в твой, бу́дущих, блаженне, / знанием обогати́лся еси, / Владыце зовый: / благословен еси, Боже отец наших.

Ты в руках пророков уподо́бился, / умножил еси, Безсмертне, видения, Спасе, / различно образу́емь, / Тебе верно вопиющим: / благословен еси, Боже отец наших.

Израилев ты источник, спасения пролива́ющий во́ды, / реку мирную — Христа пропове́дая, Осие, / Ему́же вопием: / благословен еси, Боже отец наших.

Богородичен:

Из Безначальнаго Отца возсия́в, из Тебе воплоти́ся, Богомати Отроковице, / за милость неизрече́нную, / Ему́же поюще, вопием: / благословен еси, Боже отец наших.

Ин

Ирмос: Богопроти́вное веление беззаконующаго мучителя / высо́к пламень вознесло есть; / Христос же простре Богочестивым отроко́м рóсу духовную, / Сый благословен и препрославлен.

Возвышаемая волнения лукавствия / твоего ума не поколебáша, Андрее славне, / на ка́мени знания Христова стоя́ща. / Тем небурное приста́нище я́ве обурева́емым был еси.

Буими взыскáнными лукавомудрый, умом омрача́емый, укра́сти окуша́шеся* ты, / Богословия светлостями удобря́ема, / но яви́ся смеха досто́ин, мудре, / исполнився студа дерзновением твоим.

* окуша́тися — покуша́ться, пыта́ться.

Ум твой мановѣньми Божественнейшими украшаемъ, Андрее досточудне, / звезда всесветлая всемъ показася, / чудесы коегѡждо верныя просвещая, хвалѣющая тя.

Богородичен:

Храмъ была еси Живаго Бога, / в немже жилище неизглаголанно сотвори, Дево Всепетая, / на Небесехъ Обитаяй, / и благодати ради многия Человекъ быти избѡливъ.

Песнь 8

Ирмос: **В** пламени огненне горящия пѣци / сохраншаго дѣти / и во зраце Ангела снизшедшаго к ним, / пойте Господа / и превозносите Его во веки.

Паче постиженія пророкомъ данная от Божественнаго дара / предзнательное дѣйство и будущихъ знаніе / пети Господа и превозношати Его во веки.

Уста Богодохновенная стяжавъ и языкъ Богоглаголивъ, Осіе, / Богочестія светъ просвещаяющъ поѣши: / пойте Господа и превозносите Его во веки.

Словесы и дѣяньми прорѡчествуя, / обличаеши люди блудствовавшія, образно, пребогате, научая пети: / пойте Господа и превозносите Его во веки.

Богородичен:

Соприсносущное Божіе Богъ Слово, / от Святыя Девы воплощся, явися верою вопиющимъ: / пойте Господа и превозносите Его во веки.

Ин

Ирмос: **П**ещь иногда огненная в Вавилоне дѣйства разделяше, / Божиимъ велѣніемъ халдѣи опаляющая, / верныя же орошающая, поющая: / благословите вся дѣла Господня Господа.

Страсти плотскія, мудре, предъумертвѣвъ постническими подвиги, / пострадал еси, крепчайше, / Спасово подобіе и Приснодевы, преподобне, и святыхъ чествовательно лобызая.

Яростно на Христа неистовствующе, / яко звѣрие свирѣпий, возложыша, отче, умертвити тя. / Темъ влекуще и биюще, ввергоша в пропасть, / свидетеля Истины тебе явственнѡ содѣловающе.

Чудесѣи верныя, яко водами, напаяеши, / и отгониши, всеблаженне, лукавствія дѹхи, / и очищаеши недѹги, / благодать врачеваний свѹше приѣм от Христа Бога нашего.

Богородичен:

Явилася еси небес, Дево, прострѣннейши, / Бога во утробѣ Твоей вместѣвшая, всеми Невместѣмаго; / Егоже моли избавити утеснѣния, Чистая Владычице, душѣтлѣннаго / благочѣстно воспевающія Тя.

Песнь 9

Ирмос: Радуйся, дѣвственная похвалѣ, / радуйся, Мати Пречистая, / Юже вся тварь Божественными песнями величаѣм.

Честь, яко пророк, приѣл еси, Осѣе, / приѣм венец благолепия от Бога, всеблаженне.

Всем светом озарѣемъ Христовым всеизрѣдне, / даждь твоими молитвами Сего мѣлостива поющим тя.

Хвалами с чѣнми Ангельскими, Осѣе, / предстойши, Владыку хваля, / пожѣв житиѣ равноангельное.

Богородичен:

Спасти восхотѣв человека Спас и Господь, / от Пречистыя Девы в плоть нашу одѣяся.

Ин

Ирмос: Безначальна Родителя Сын, Бог и Господь, / воплощся от Девы, нам явѣся, / омрачѣнная просветити, собрати расточѣнная; / тем Всепѣтую Богородицу величаѣм.

Се, отче преподобне, течѣние твое совершив, / Православную веру соблюл еси непорѣчну; / еяже ради пострадав законно, / венец же сугуб приѣл еси свѹше, / яко мученик непобѣдим и постник непобѣрен.

Яко крин* сладковѣнный и яко шипѣк, / отче, / процвел еси в цвѣтницѣ Божественнаго яве пощѣния, / и благовѣнствуеши, яко кедр, мученически просвещен, / Андрее всехвальне, / монашествующих удобрѣние.**

* крин — лилія.

** шипѣк — шиповник, дикая роза.

Знаменьями и чудесы яве украшаемь, / невредим еси всем на видение лежа, всеблаженне Андрее, / и души просвещая верою теплою приходящих тебе, / и всегда блажащих тя.

День праздниствен и веселия исполнен, / святую твою память творяще днесь, / верою вопием тебе, отче: / к Богу святыми твоими молитвами всех нас избави житейских обстояний.

Богородичен:

Света селение утроба Твоя бысть, / просвещшаго мир зарями Божества / и неведения тьму от земли, Всенепорочная Отроковице, совершенно отгнавшего; / Того ради Тя славим.

Светилен.

Подобен: Со ученики взыдем:

Андрея добропобедника похвалим вси, / Божественно празднующе честную его память, / яко да избавимся от недуг; / сей бо Спасова честная воображения / и святых всех всеблагочестно чествовати проповеда. / Тем, венец на Небесех приемь, / со Ангелы радуется.

Богородичен:

Гору Божию пресвятую, / и светильник, и стамну, и трапезу, и мост, / жезл же, и свещу, и Божественный Престол, / и дверь, и храм, и чертог воспойм, Богомудрии, Чистую и Деву, / из Неяже Бог, воплотився невращно и паче естества, / обожит приятие неизреченным единением.



**В
ТОЙЖЕ
ДЕНЬ**

Пренесение мощей святого праведнаго Лазаря Четверодневнаго, друга Божия, епископа Китийскаго, от Кипра в Царьград

Тропарь, глас 4:

Яко велико сокровище и богатство некрадомо / к нам прииде из Кипра, Лазаре, / Промыслом всех Бога, повелением царя благочестива, / подай чтущим тя исцеления даром, / избавляя от бед и от всякаго вреда, /

верою взывающих ти:/ спаси всех молитвами
своими, Лазаре отче наш.

Кондак, глас 8.

Подобен: Взбранной:

Взы́де, яко звезда пресветлая,/ от Кипра че-
стнѣя мощи твоя, Лазаре,/ Царствующий град
освящающи и христолюбиваго царя веселящи / и
люди своя обогащающи,/ тобою благодать исце-
ления подающи, верно зовущим ти:/ радуйся,
Лазаре, друже Божий.

